



AN COIMISIÚN
EORPACH

An Bhruiséil, 28.5.2020
COM(2020) 451 final

ANNEX

IARSCRÍBHINN

a ghabhann le

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

lena leasaítear Rialachán (AE) Uimh. 1303/2013 maidir le hacmhainní breise eisceachtúla agus socruithe cur chun feidhme faoi sprioc na hInfheistíochta le haghaidh fáis agus post chun cúnamh a chur ar fáil chun an leigheas dhíobháil na géarchéime a chothú i gcomhthéacs phaindéim COVID-19 agus téarnamh glas digiteach athléimneach an gheilleagair a ullmhú (REACT-EU)

IARSCRÍBHINN

Cuirtear Iarscríbhinn VIIa nua isteach mar a leanas:

“IARSCRÍBHINN VIIa

An mhodheolaíocht maidir le hacmhainní breise eisceachtúla a leithdháileadh le haghaidh Sprioc na hinfheistíochta le haghaidh fáis agus post ar mhaithe le cúnamh a sholáthar chun téarnamh tar éis géarchéime a chothú i gcomhthéacs phaindéim COVID-19 agus chun téarnamh geilleagair atá glas, digiteach agus athléimneach a ullmhú de réir an Bhallstáit – Airteagal 92b(4)

Modh leithdháilte maidir le hacmhainní breise eisceachtúla

Leithdháilfear na hacmhainní breise eisceachtúla ar na Ballstáit de réir na modheolaíochta seo a leanas:

1. Sciar sealadach gach Ballstát ó na hacmhainní breise, déanfar é a chinneadh mar shuim ualaithe na sciartha arna gcinneadh ar bhonn na gcritéar seo a leanas, agus iad ualaithe mar a léirítear:
 - a) Faoi fhachtóir OTI (ualú 2/3) arna chinneadh trí na céimeanna seo a leanas a chur i bhfeidhm:
 - (i) sciar gach Ballstát de lánchailteanas fíor-OTI arna choigeartú go séasúrach agus é sloinnte in EUR idir an chéad seimeastar de 2019 agus deireadh na tréimhse tagartha is infheidhme le haghaidh gach Ballstát a measadh;
 - (ii) coigeartú ar na sciartha a fhaightear mar sin trí iad a roinnt le ONI *per capita* na mBallstát arna shloinneadh mar chéatadán de mheán-ONI *per capita* AE-27 (an meán arna shloinneadh mar 100 %).
 - b) Faoi fhachtóir dífhostaíochta (ualú 2/9) arna shloinneadh mar mheán ualaithe mar a leanas:
 - (i) sciar an Bhallstáit de líon iomlán na ndaoine dífhostaithe (ualú 3/4) maidir le gach Ballstát a measadh i mí Eanáir 2020, chomh maith le
 - (ii) sciar an Bhallstáit den mhéadú iomlán i líon na ndaoine dífhostaithe (ualú 1/4) idir mí Eanáir 2020 agus deireadh na tréimhse tagartha is infheidhme le haghaidh gach Ballstát a measadh.
 - c) Faoi fhachtóir dífhostaíochta i measc na hóige (ualú 1/9) arna shloinneadh mar mheán mar a leanas:
 - (i) sciar an Bhallstáit de líon iomlán na ndaoine dífhostaithe i measc na hóige (ualú 3/4) maidir le gach Ballstát a measadh i mí Eanáir 2020, chomh maith le
 - (ii) sciar an Bhallstáit den mhéadú iomlán i líon na ndaoine dífhostaithe i measc na hóige (ualú 1/4) idir mí Eanáir 2020 agus an tréimhse thagartha is infheidhme le haghaidh gach Ballstát a measadh.

Fíor-OTI an Bhallstáit arna choigeartú go séasúrach agus é sloinnte in EUR le haghaidh na tréimhse tagartha is infheidhme, i gcás ina bhfuil sé níos airde ná mar a bhí sa chéad seimeastar de 2019 fágfar sonraí an Bhallstáit sin as an áireamh sna ríomhanna i bhfleasc (i) de phointe (a).

I gcás ina bhfuil líon na ndaoine dífhostaithe (san aoisghrúpa 15 go 74) nó líon na ndaoine dífhostaithe i measc na hóige (san aoisghrúpa 15 go 24) sa Bhallstát le haghaidh na tréimhse tagartha is infheidhme níos lú ná mar a bhí i mí Eanáir 2020, fágfar sonraí an Bhallstáit sin as an áireamh sna ríomhanna i bhfleasc (i) de phointe (b) agus i bhfleasc (ii) de phointe (c).

2. Na rialacha a dtugtar tuairisc orthu i mír 1, le haghaidh na tréimhse iomláine ó 2020 go 2022 ní bheidh leithdháilte de réir an Bhallstáit níos airde ná mar a leanas mar thoradh orthu
 - a) maidir leis na Ballstáit a bhfuil meán-ONI *per capita* (i CCC) níos airde acu ná 109 % de mheán AE-27 le haghaidh na tréimhse 2015-2017: 0,07 % dá bhfíor-OTI le haghaidh 2019;
 - b) maidir leis na Ballstáit a bhfuil meán-ONI *per capita* (i CCC) acu atá cothrom le nó níos lú ná 90 % de mheán AE-27 le haghaidh na tréimhse 2015-2017: 2,60 % dá bhfíor-OTI le haghaidh 2019;
 - c) maidir leis na Ballstáit a bhfuil meán-ONI *per capita* (i CCC) níos airde acu ná 90 % agus cothrom le nó níos lú ná 109 % de mheán AE-27 le haghaidh na tréimhse 2015-2017: faightear an céatadán le hidirshuíomh líneach idir 0,07 % agus 2,60 % dá bhfíor-OTI le haghaidh 2019, as a n-eascraíonn laghdú comhréireach ar an gcéatadán uasteorannaithe i gcomhréir leis an méadú ar rathúnas.

Na méideanna a théann thar an leibhéal a leagtar amach i bpointí (a) go (c) de réir an Bhallstáit, déanfar iad a athdháileadh go comhréireach chuig leithdháiltí gach Ballstát eile a bhfuil meán-ONI *per capita* acu (i CCC) faoi 100 % de mheán AE-27. Is é ONI *per capita* (i CCC) na tréimhse 2015-2017 an ceann a úsáidfear le haghaidh beartas comhtháthaithe i gcaibidlíocht CAI 2021-2027.

3. Chun dáileadh na n-acmhainní breise eisceachtúla le haghaidh na mblianta 2020 agus 2021 a ríomh déanfar mar a leanas:
 - a) Le haghaidh OTI is é seo a leanas an tréimhse thagartha: an chéad seimeastar de 2020;
 - b) Le haghaidh líon na ndaoine dífhostaithe agus líon na ndaoine dífhostaithe i measc na hóige is é seo a leanas an tréimhse thagartha: an meán ó mhí an Mheithimh go mí Lúnasa 2020.
 - c) An leithdháileadh uasta a eascraíonn as cur chun feidhme mhír 2, déanfar é a iolrú faoi sciar na n-acmhainní breise le haghaidh na mblianta 2020 agus 2021 sna hacmhainní breise iomlána le haghaidh na mblianta 2020, 2021 agus 2022.

Roimh an modh a dtugtar tuairisc air i míreanna 1 agus 2 agus a bhaineann leis an mbliain 2020 a chur chun feidhme, déanfar méid a fhreagraíonn do dhéine cabhrach de EUR 30 in aghaidh an áitritheora a leithdháileadh ar réigiúin leibhéal NUTS 2 is forimeallaí ón leithdháileadh. Déanfar an leithdháileadh sin a dháileadh in aghaidh an réigiúin agus an Bhallstáit ar bhealach a bheidh comhréireach le daonra iomlán na réigiúin sin. Déanfar an méid a bheidh fágtha le haghaidh na bliana 2020 a dháileadh ar na Ballstáit i gcomhréir leis an modh a dtugtar tuairisc air i míreanna 1 agus 2.

4. Chun dáileadh na n-acmhainní breise eisceachtúla le haghaidh na bliana 2022 a ríomh déanfar mar a leanas:

- a) Le haghaidh OTI is é seo a leanas an tréimhse thagartha: an chéad seimeastar de 2021;
- b) Le haghaidh líon na ndaoine dífhostaithe agus líon na ndaoine dífhostaithe i measc na hóige is é seo a leanas an tréimhse thagartha: an meán ó mhí an Mheithimh go mí Lúnasa 2021.
- c) An leithdháileadh uasta a eascraíonn as cur chun feidhme mhír 2, déanfar é a iolrú faoi sciar na n-acmhainní breise le haghaidh na bliana 2022 sna hacmhainní breise iomlána le haghaidh na mblianta 2020, 2021 agus 2022.”.